

TUTÚ CÚÚ ÒNÍ NÍ CADÚHA TÉ JUÁÁ

Càháⁿ váha-yu cuèndá té Gǎyú

¹ Te yúhú té Juáá té yìndaha ñaha xii ñáyiú sàndáá iní tnúhu Jèsús, chìdo tnuní-í tnúhu-a ìⁿ núú tütú sá cúú-xí yòhó té Gǎyú téé ío cùu iní-í, chi ndècu ndìhì-n tnúhu ndáá tnúhu Yá Ndiöxí.

² Te yòhó téé ío cùu iní-í, xìcáⁿ táhù-í núú Yá Ndiöxí sá cùndècu váha-n ñà túú nǎ cumání xii-n, te vá cùhú-n, chi sa nàha-í sá ndécú vǎha-n núú Yá Ndiöxí. ³ Te ío ní cudíí ìní-í òré ní sáá ñáyiú ndècu ichi Yá Ndiöxí, te ní cachí tnúhu-yu sá sàndáá ndisa iní-n tnúhu ndáá òu-ni tnúhu-gá te tñì-n nchaa nacuáa càháⁿ tnúhu-áⁿ. ⁴ Te ío cudíí ìní-í ní níhì-í tnúhu sá ncháá-ní ñáyiú ní sanu ichi-í ichi Yá Ndiöxí ndécú-ní-yu ichi-gá, te quìde-ní-yu nchaa nàcuáa càháⁿ-gá.

⁵ Te yòhó téé ío cùu iní-í, ío váha quìde-n núú Yá Ndiöxí, chi chìndee-n nchaa ñáyiú véxi dava-gá ñúú xícá, ñáyiú sàndáá iní tnúhu Yá Ndiöxí. ⁶ Te nchaa ñáyiú-áⁿ càháⁿ-yu núú tàcá ñáyiú càháⁿ ndìhì Yá Ndiöxí iha sá ío cùu iní-n nchaa tnahá ñáyiú-n dàtná càháⁿ Yá Ndiöxí. Te yúhú càháⁿ ndàhú-í núú-n sǎ cádá ndèe-ni iní-n chìndee-n nchaa ñáyiú-áⁿ nchaa sá xíní ñùhú-yu ichi. Te núu ducaⁿ na càda-n te quìde-n nacuáa cùu iní Yá Ndiöxí, te xìnu cuechi-n tnahá-n núú-gǎ. ⁷ Chi nchaa ñáyiú-áⁿ ní tñí-yu ichi cuáháⁿ-yu càháⁿ-yu tnúhu Jèsús. Te ñá túú tñí-yu ni ìⁿ sá sǎñaha ñáyiú

ñá túú ndècu ichi Yá Ndiǒxí. ⁸ Te núu xǎⁿ nchoo xìni ñuhu-xi chindee-o nchaa ñáyiú xìnu cuechi núú-gǎ ñáyiú càháⁿ tnúhu-gá, te ducaⁿ te cutnùnì iní-ó sǎ tnàhá-ó xìnu cuechi-o ndihí-yu núú-gǎ.

Ñá túú quide váha té Diótrefés

⁹ Te yúhú ní tendaha-ĩ tutú cuáháⁿ núú tàcá ñáyiú chĩñuhú-yu Yá Ndiǒxí, dico ìⁿ téé ndècu-áⁿ nání-dě Diótrefés, te ñá sàndáá iní-dé nchaa tnúhu càháⁿ-í, chi cuení-dé cunuu-dě núú-yu. ¹⁰ Te òré quixi-í te cada ndáá-ó nchàa tnúhu cuèhé tnúhu duha càháⁿ-dé cuèndá-í. Te ñá díú-ní xǎⁿ quidé-dě, chi nchaa ñáyiú véxi ingá ñuú càháⁿ tnúhu Yá Ndiǒxí ñá túú càháⁿ ñáhá-dě vehe-dé, te ni ñǎ dáñá-dě cáháⁿ ndihí ñaha dàva-gá ñáyiú xií-yu. Te nchaa ñáyiú cuení cáháⁿ ndihí ñaha xìí-yu, te quèñuhu ñaha duuⁿ-ni-dé ñá dáñá-gǎ-dé níhí tnàhá-yu ndihí nchaa ñáyiú tàcá dácuàha tnúhu Yá Ndiǒxí.

¹¹ Te yòhó téé ío cùu iní-í, vá cùndècu-n ichi cuehé ichi duha dàtná quidé nchàa dàva-gá ñáyiú, cada-n mèe-ni sá vǎha. Chi nchaa ñáyiú quide váha ndècú-yu ichi Yá Ndiǒxí. Te nchaa ñáyiú quide nchaa sá cuèhé sá dúhá ñà túú ndècú-yu ichi Yá Ndiǒxí.

Nchaa ñáyiú càháⁿ váha-yu cuèndá té Demètriú

¹² Te nchaa ñáyiú càháⁿ váha-yu cuèndá té Demètriú, chi quide ndáá-dé dàtná càháⁿ Yǎ Ndiǒxí. Te tnàhá yúhú càháⁿ-í cuèndá-dé sá ío váha quide-dé, te nchòhó sa nàha-ndo sá yúhú càháⁿ ndáá-í.

Tnúhu ndéé núú nǐ ndihí-ná

¹³ Te vài-gá tnúhu cuìní-í cachí tnúhu-í xii-n ni cùu, dico ñá ní tèt-gá-í, ¹⁴ chi cuìní-í quixi ndìhi-í, te cáháⁿ-ó nǔú nǔú-ó.

¹⁵ Te ío cada ndee ìní, te xìcáⁿ táhù-í núú Yă Ndiǒxí sá ná cùndecu váha-n ñà túú nă cuu cundecu-n. Te nchaa cue ñáyiu xìní tnáhá ndìhi-o ndecu iha quide ndee iní ñáhă-yu xii-n. Te yòhó cúñaha-n nchàa ñáyiu xìní tnáhá ndìhi-í ndécú xǐáⁿ ná càda ndee iní-yu. Te ío cada ndee ìní-nă vitna.

Tnúhu ní cáháⁿ yă ndiöxí xito cùu uú
New Testament in Mixtec, Peñoles (MX:mil:Mixtec,
Peñoles)

copyright © 2002 Wycliffe Bible Translators, Inc.

Language: Mixtec, Peñoles

Translation by: Wycliffe Bible Translators, Inc.

Mixteco, Peñoles [mil], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Peñoles

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

872f7754-0986-5ecd-a059-925a708a6939